

- प्रधानमंत्री नरेन्द्र मोदी री अरज माथे देशभर मांय लोगां री स्वच्छता अभियान मांय व्यापक भागीदारी-प्रदेश मांय न्यारा-न्यारा कार्यक्रम व्ह्या।
- प्रधानमंत्री काले प्रदेश ने केई विकास परियोजनावां री देवेला सौगात-चित्तौड़गढ़ मांय जनसभा ने करेला सम्बोधित।
- प्रदेश मांय निष्पक्ष अर शांतिपूर्ण मतदान री तैयारियां पूरी-भारत निर्वाचन आयोग रो दळ संतोष जतायो।
- अंतर्राष्ट्रीय वृद्धजन दिवस माथे राज्य मांय केई कार्यक्रम व्ह्या।

प्रधानमंत्री नरेन्द्र मोदी री अरज माथे आज देशभर मांय लोगा व्यापक स्वच्छता अभियान मांय भागीदारी करी। प्रधानमंत्री राष्ट्रपिता महात्मा गांधी री जयंती ऊं एक दिन पैलां देशवासियां ऊं स्वच्छता अभियान सारू आज संवारा 10 बज्यां ऊं एक घंटा तांई श्रमदान री अरज करी ही। ई मौके सगळा तबका रा लोगां बजारा, परिसरां, रेल-पटरियां, तळावां, सैलाणी अर पूजा री ठौड़ा समेत सार्वजनिक जगहा मांथे सफाई काम मांय भागीदारी करी। ई अभियान मांय देश रा शहरी अर गांवाई हलका रा छह लाख 40 हजार ऊं बत्ती ठौड़ा माथे श्रमदान व्ह्यो। प्रदेश मांय ई स्वच्छता अभियान मांय लोगां बढ-चढ ने हिस्सो लियो। कोटा रा महावीर नगर हलका मांय लोक सभा अध्यक्ष अर केन्द्रीय उद्योग अर वाणिज्य मंत्री पीयूष गोयल स्वच्छता अभियान मांय श्रमदान करुने स्वच्छता रो संदेश दियो। स्वच्छता पखबाडा तहत जोधपुर शहर मांय तीन केन्द्रीय मंत्रीयां न्यारी न्यारी ठौड़ा मांथे कार्यकमां माय शिरकत करी। केन्द्रीय जल शक्ति मंत्री गजेन्द्र सिंह शेखावत राई का बाग रेलवे ठेसन मांथे सफाई काम मांय श्रमदान कर्यो ई मौके कार्यकर्तावां अर लोगा ई श्रमदान कार्यक्रम मांय हिस्सो लियो। केन्द्रीय कृषि अर किसान कल्याण राज्य मंत्री कैलाश चौधरी पावटा मांय श्यामा प्रसाद मुखर्जी पार्क मांय श्रमदान कर्यो। ई मौके लोगा ने स्वच्छता री शपथ दीराईजी। बटे ई केन्द्रीय कानून मंत्री अर्जुन राम मेघवाल भाजपा कार्यकर्तावां रे सांथे एयरपोर्ट परिसर मांय स्वच्छता अभियान मांय भागीदारी निभाई। भीलवाडा मांय भाजपा कार्यकर्ता महत्मा गांधी हॉस्पिटल पार्क मांय सफाई करुने स्वच्छता रो संदेश दियो, ई मौके सांसद सुभाष बहेडिया, जन नुमाईंदा अर कार्यकर्ता मौजूद रीया।

केन्द्रीय संचार ब्यूरो रा हलका ई दफतर डूंगरपुर कानी ऊं बिलपन गांव मांय हनुमान मिंदर परिसर मांय श्रमदार कार्यक्रम व्ह्यो। झुन्झुनू मांय महिला अर अधिकारिता महकमा री अरज मांथे स्वच्छता री थीम मांथे सार्वजनिक पार्क मांय लोगा श्रमदान कर्यो। केन्द्रीय संचार ब्यूरो कानी ऊं न्यारा-न्यारा महकमा री मदद ऊं जोधपुर मांय दूरदर्शन कॉलोनी परिसर मांय श्रमदान कार्यक्रम व्ह्यो। 'स्वच्छता ही सेवा अभियान रे तहत व्ह्या कार्यक्रम मांय मौजूद लोगो ने स्वच्छ भारत अभियान री शपथ दीराईजी बीकानेर रेल मंडल कानी ऊं "स्वच्छता ही सेवा" अभियान रे तहत श्रमदान करी ज्यो। ई दौरान रेलवे ठेशणा अर सार्वजनिक ठौड़ा मांथे जननुमाइन्दा, रेलवे कर्मचारियां समेत लोगां स्वच्छता सारू श्रमदान कर्यो। बी.एस.एफ. कानी ऊं श्रीगंगानगर मांय मुख्यालय अर रेलवे ठेसन मांथे सफाई करीजी। बारां, बूंदी, भरतपुर, नागौर, जालौर, टोंक समेत दूजा जिलां मांय ई स्वच्छता पखबाडा रे तहत साफ सफाई करुने श्रमदान करी ज्यो।

राज्यपाल कलराज मिश्र ने राष्ट्रपिता महात्मा गांधी और पूर्व प्रधानमंत्री लाल बहादुर शास्त्री की जयंती की पूर्व संध्या पर उन्हें स्मरण करते हुए श्रद्धा सुमन अर्पित किए। श्री मिश्र ने कहा कि राष्ट्रपिता महात्मा गांधी का सम्पूर्ण जीवन सत्य, अहिंसा और न्याय के आदर्श का संदेश देता है। इसी तरह लाल बहादुर शास्त्री का जीवन ईमानदारी और शुचिता का अनुपम उदाहरण है। उन्होंने राष्ट्र को इन महान विभूतियों के जीवन से प्रेरणा लेते हुए उनके बताए आदर्श मार्ग पर चलने का आह्वान किया।

राज्यपाल कलराज मिश्र राष्ट्रपिता महात्मा गांधी अर पैली रा प्रधानमंत्री लाल बहादुर शास्त्री री माथे जयंती री पैली सिज्या वांने याद करता श्रद्धा सुमन अर्पण कर्या। श्री मिश्र कह्यो के राष्ट्रपिता महात्मा गांधी रो सगळो जीवन सांच, अहिंसा अर न्याय रा आदर्श रो संदेश देवे है। इण ई तरह लाल बहादुर शास्त्री रो जीवन ईमानदारी अर शुचिता रो अनूठो उदाहरण है। वणा देश री आं महान विभूतियां रा जीवन ऊं प्रेरणा लेवण अर वां रा बताया आदर्श मारग माथे चालण री अरज करी।

000

प्रधानमंत्री नरेन्द्र मोदी काले राजस्थान अर मध्यप्रदेश रा दौरा मांथे रेवेला। वे प्रदेश रा चित्तौड़गढ़ मांय कोई सात हजार करोड़ रुपया रे विकास परियोजनावां री नींव धरेलां अर कुछ विकास परियोजनावां देश ने समर्पित करेला। श्री मोदी कोई साढ़े चार हजार करोड़ रुपयां री लागत ऊं बणी मेहसाणा-बठिंडा-गुरदासपुर गैस पाइपलेण देश ने समर्पित करेला। वे आबूरोड री एच पी सी एल रा एलपीजी संयंत्र रो ई लोकार्पण करेलां। श्री मोदी राष्ट्रीय राजमार्ग-12 मांथे दर्रा-झालावाड़-तीनधार सड़क मार्ग में चार लेण बणावण वाळी परियोजना देश ने समर्पित करेला। इण ऊं कोटा ऊं झालावाड़ ताई खनन उत्पादों री ढुलाई सरल व्हेला। प्रधानमंत्री चित्तौड़गढ़-नीमच रेल लेण अर कोटा-चित्तौड़गढ़ बिजली वाळी रेल लेण रा दोहरीकरण री परियोजनावां रो लोकार्पण करेला। वे स्वदेश दर्शन योजना रे तैत नाथद्वारा मांय विकसित सैलाणी केन्द्र रो उदघाटन ई करेला। नाथद्वारा, संत वल्लभाचार्य रा लाखों अनुयायियां सारू तीर्थ स्वरूप है। प्रधानमंत्री कोटा मांय भारतीय सूचना प्रौद्योगिकी संस्थान रा स्थायी परिसर रो उदघाटन ई करेला।

000

जीएसटी-ऑनलाइन

आज ऊं ऑनलाइन गेमिंग, सट्टेबाज़ी, कैसिनो, जुआ खेलण, घुड़दौड़ अर लॉटरी मांथे वस्तु अर सेवाकर जीएसटी री रेट बध र 28 फिसदी व्हेग्यी है। वित्त मंत्रालय ई बारा मांय अधिसूचना काढ दी है। आं सेवावां मांथे जीएसटी रेट बधावण रो फ़ैसलो इण साल अगस्त मीना मांय जीएसटी परिषद् री 51वीं बैठक मांय लीरी ज्यो हो।

000

निर्वाचन आयोग

प्रदेश मांय निष्पक्ष अर शांतिपूरण वोट करावण री सगळी तैयारियां पूरी कर ली हैं। चुनाव तैयारियां री समीक्षा सारू तीन दिन रा दौरा मांथे जयपुर आया भारत निर्वाचन आयोग रो दल चुनाव री तैयारियां ने लेर संतोष जतायो। मुख्य निर्वाचन आयुक्त राजीव कुमार आज जयपुर मांय खबरनवीसां सामी बोलता प्रदेश रा नौजवान अर महिला मतदातावां ऊं बत्ती ऊं बत्ती तादाद मांय वोट करण री अरज करी। वणा बतायो के राज्य मांय ई बार 21 लाख 90 हजार नौजवान वोट देवाणियां पैली बार वोट देवेलो। श्री कुमार नौजवाना ऊं मतदान मांय रूचि दिखावण अर आपरा वोट देवण रा हक रो वाजिब उपयोग करण री अरज करी।

.....

मुख्य चुणाव आयुक्त बतायों के प्रदेश मांय 51 हजार पोलिंग बूथ तैयार करी ज्या है। आ मांय गांवाई हलका मांय पोलिंग बूथ री तादाद बत्ती है। आ मांय ऊं आधा मतदान केन्द्रा मांथे आयोग कानी ऊं वोटो री वेबकास्टिंग करी जावेला। जिण ऊं मतदान मांय होवण वाळी कीणी गडबडी ने पकडी जा सके। मुख्य चुनाव आयुक्त आस जतायी के

लोग प्रदेश मांय निष्पक्ष चुनाव करावण मांय आयोग री मदद करेला। श्री कुमार बतायो के चुनाव आयोग पैली बार बुजुर्ग अर देव्यांग मतदातावा ने घर ऊं वोट देवण री सुविधा मुहीयां करावेला।

ई मौके निर्वाचन आयोग रा महा सचिव मीडियां बी नारायणन अर निर्वाचन आयुक्त अनूप चंद्र पांडेय अर अरुण गोयल ई मौजूद हां। इण ऊं पहला जयपुर मांय आज संवारा मतदाता जागरूकता सारू वाकेथॉन व्ही। इण ने मुख्य निर्वाचन आयुक्त अर निर्वाचन आयुक्त हरी झंडी दिखायी।

000

प्रदेश मांय आज ऊं वन्यजीव सप्ताह री शुरूआत व्हेगी है। सप्ताह रे दौरान जंगळात महकमा कानी ऊं वन अर वन्य जीवां में बचावण सारू जागरूकता ने लेर न्यारा-न्यारा कार्यक्रम करया जावे। ई बीचे राज्य रा वन्यजीव अभ्यारणायां मांय आज ऊं नुवो सैलाणी सत्र सरू व्हेग्यो है। सवाईमाधोपुर ऊं खबरनबीस बतायों के सत्र रा पैला दिन रणथम्भौर राष्ट्रीय उद्यान मांय सफारी करण सारू घणी तादाद मांय सैलाणी पुग्या। वारो रीत मुजब स्वागत करी ज्यो।

000

अंतर्राष्ट्रीय वृद्ध जन दिवस

आज अंतर्राष्ट्रीय वृद्धजन दिवस है। ई मौके प्रदेश मांय केई कार्यक्रम करया जावें। बूंदी मांय ब्लॉक थर मांथे बुजुर्गा ने सरावना पाना दे र सम्मानित करीज्या। ई मौके वाने विधानसभा चुनाव मांय वोट करण सारू प्रेरित करी ज्या। बारां मांय सामाजिक न्याय अर अधिकारिता महकमा कानी ऊ अटरू रा वृद्धाश्रम मांय वृद्धजन सम्मान कार्यक्रम व्हीयो। सवाईमाधोपुर मांय बुजुर्गा सारू मुफ्त स्वास्थ्य जांच शिविर लगाई ज्यो। झालावाड़ मांय मिनी सचिवालय सभागार मांय वृद्धजन सम्मान जळसो व्हयो। कार्यक्रम मांय अस्सी साल अर इण ऊं बत्ती उमर वाळा मतदातावां ने सम्मानित करी ज्या। निर्वाचन महकमा कानी ऊ बाड़मेर मांय सौ साल अर इण ऊं बत्ती उमर रा वोट देवण वाळा ने सरावना पाना दे र सम्मानित करी ज्या।

000